



Kalaallit Nunaanni sakkutuunngorusuttunik (sakkutuunngorniartussaataitanermit misilitsinnerit) katersisarneq ingerlanneqaqqittalernissaa siunertaralugu Naalakkersuisut Rigsmyndighed attaviginissaat pillugu Inatsisartunut aalajangiiffigisassatut siunnersuut.

(Inatsisartunut ilaasortaq Anna Wangenheim, Demokraatit)

(Siullermeerneqarnera)

Inatsisartunut ilaasortamut Anna Wangenheim-imut qujanaq siunnersuummut pitsaasumut silatusaartumullu.

Demokraatit aalassaatigilaarlugulu pakatsissutigaat, Naalakkersuisuusimasup Naleraq IA-lu peqatigalugit maani nammineerluta nunatsinni inuusuttut sakkutuunngorniarnissamut misilitsittarnissaat akornusermassuk. Taamanimi Naalakkersuisuusut Illersornissaqarfik aggissanngitsoq piumasarisimammassuk.

Ajoraluartumik tamanna ima kinguneqarpoq, inuusuttut Illersornissaqarfimmi ilinniarnissaminnik kissaateqartut maannakkut mattunneqarmata, Naalakkersuit aamma akiliiumannngimmata, Danmarkimi sakkutuunngorniarnissamut misilitsinnissaannut. Piffissami, inuusuttut ilinniagaqarnissaannik pingaartuuneranik tamatta eqqartuinitisinni, sianiilliornerujussuovoq, Naalakkersuisut tungaanniit inuusuttut Illersornissaqarfimmi ilinniarnissaannik toqqaannartumik akimmisaarititsinnerat.

Tassungaa atatillugu eqqaasariaqarpoq, Illersornissaqarfimmi ilinniakkat sakkutuujunermiit allarpassuarnut atorsinnaammata. Taanna toqqaannartumik maani nunatsinni ilinniagaqarnerup qaffassarnissaraluanut ajoqusiineruvoq, Naalakkersuisut maani Kalaallit Nunaanni sakkutuunngorniarnissamut misilitsinnissat unitsimmatigit. Uani aamma taassallugu pingaartuuvoq, sakkutuunngorniarnissamut misilitsinnissaq uagutsinnut Kalaallit Nunaanni akeqanngimmat, aningaasartuutit tamarmik Illersornissaqarfimmit akilerneqartussaammata.

Demokraatinit neriuutigisimagaluarparput, naalakkersuisooqatigiit nikinnerata kingunerissagaa, tuaviornerpaamik Illersornissaqarfimmut saaffiginnittoqassasoq piumaffigalugillu sakkutuunngorniarnissamut misilitsinnerit ingerlateqqileqqullugit, susoqarpiannngilarli, tamannalumi ilisarnaataavoq Naalakkersuisut politikikkikut iliuseqartarnerannut - susoqarpiarneq ajorpoq aaliangernissaq ersissutigisarpaat.

Nuannaarutigalugulu tulluusimaarutigaa, paarteeqatima Anna Wangenheim-ip uteriilluni sakkutuunngorniarnissamut misilitsinnerit nangeqqinneqarnissaat piumasarijuarmagu, qutsavigerusupparalu qasusuilluni suliniuteqartuarnernut. Anna pisuulluni, Naalakkersuit kiisami tamanna pillugu Danmarkimut attaveqarsimalerput. Uatsinnut aperisariaqarpugut, sooruna tamanna tamanut avammut nalunaarutigineqanngitsoq? Sooq ammasumik oqaluuserineqanngila? Akissutisisoqarpa?



Apequtissat qaleriaapput, Naalackersuisut kalaallit nunaata oqaluttuarisaanerani matoqqanerpaajuniarlutik toqqarsimammasuk.

Demokraatinut pingaartuuvoq tusassallugu apeqqummut tassunga partiit allat qanoq isumaqarnerat, pingaartuuvorlu, siunnersuutip uuma akuerineqarnissaa, ersarissumik Naalackersuisumut nalunaarutigineqassamat sakkutuunngorniarnermut misilitsittarnerit maani nunatsinni nangeqqinneqassasut. Taamaaliunngikkuttami, Naalackersuisut isummaminnik allanngorteriatarsinnaammata.

Siunnersuutip akuerineqarnissaa innersuussutigineqarpoq.